

Tertekan banyak hutang



BERSAMA KAUNSELOR

Pn Siti Fatimah
Abdul Ghani
Kaunselor Berdaftar
Seksyen Kaunseling
Pelajar, Universiti
Putra Malaysia

Berniaga dalam talian tambah pendapatan keluarga

! **Salah** satu daripada kejayaan yang tidak mampu diukur ialah melakukan tanggungjawab seikhlas hati. Tanggungjawab pula memerlukan nilai pengorbanan yang tulus ikhlas dan lahir dari hati yang matang dan bersih. Atas dasar itu, saya melihat anda berjaya mencapai kejayaan yang bukan semua mampu melakukannya. Tahniah.

Merujuk kepada tanggungjawab yang dipikul, terdapat beberapa perkara perlu diteliti semula dan memerlukan perancangan serta pengurusan kewangan lebih sistematik. Meskipun anda cuba mencari pendapatan tambahan, ia masih belum mampu memberikan sumber tetap dan stabil buat diri sendiri dan membantu keluarga.

Perkara asas yang perlu dilakukan ialah dengan memperincikan imbalan pendapatan dengan perbelanjaan wajib bayar setiap bulan. Penyelarasannya perlu dikenal pasti bagi membolehkan anda melihat aliran tunai setiap bulan.

Senaraikan liabiliti bulanan wajib dibayar, kos terabit secara anggaran kasar atau jumlah tepat, kemudian rujuk kepada lebihan baki yang ada. Jika perlu, senaraikan segala

perbelanjaan bulanan anda dan sebolehnya kenal pasti perbelanjaan yang boleh dikurangkan atau dibuang terus.

Anda boleh membuat penyelarasannya sendiri atau mendapatkan bantuan pihak kaunselor. Perkongsian secara teraputik menerusi sesi kaunseling kewangan membolehkan anda merangka kewangan lebih realistik dan sistematis menikut keutamaaan.

Selain pengurusan kewangan, yakini Allah dalam setiap kesulitan dihadapi. Banyak berdoa agar dimurah rezeki, diberkati dalam setiap usaha dan dirahmati Allah. Pun begitu, berikan anda masa untuk menyesuaikan diri dengan situasi sukar dan sumber

kewangan yang terhad ini. Percayalah setiap rezeki itu adalah untuk semua berusaha.

Selain perancangan kewangan, penjanaan pendapatan yang lain juga disyorkan. Berdasarkan perkongsian di sini, anda sudah berusaha membabitkan diri dalam perniagaan secara kecil-kecilan sungguhpun pulangannya tidak seberapa. Sebagai langkah awal, ia permulaan yang baik untuk memberi pendedahan sekaligus meyakinkan anda untuk berniaga. Hal ini boleh dirancang dengan lebih hebat menerusi beberapa pendekatan sesuai dengan jadual masa anda.

Berikut panduan yang boleh diikuti untuk meran-



mendapat komisen atau pulangan kecil bagi setiap barang yang dibeli. Anda tidak perlu risau dalam menawarkan produk secara online kerana sekarang ini pelbagai jenis produk sudah dipasarkan melalui Internet. Lakukan promosi untuk perniagaan dalam talian anda.

3. Kemas kini perniagaan dalam talian anda secara rutin tanpa mengganggu tugas rutin di tempat kerja. Lebih bijak jika anda mampu memperuntukkan masa di luar waktu pejabat untuk menjalankannya.

4. Luangkan waktu anda untuk memberi maklum balas pelanggan. Seperti halnya pada perniagaan offline, pelanggan perniagaan dalam talian juga ingin dilayani segera. Untuk itu luangkan waktu anda mengikuti kesesuaian. Elak menggunakan waktu pejabat untuk hal ini. Dalam usaha mencari rezeki, biarlah ia halal dan diredaya Allah.

5. Pastikan diri anda bersedia dan fokus, tekun dan sabar. Walaupun perniagaan ini mudah, tidak semua orang boleh berjaya. Justeru, usahakan untuk fokus pada satu bidang yang anda pilih, tekun untuk menciptakan inovasi baru baru, serta sabar dalam mengembangkannya.

? **Sebagai** anak keempat dalam keluarga dan satu-satunya yang bekerja, saya mempunyai tanggungjawab besar membantu kewangan adik-beradik. Memandangkan pendapatan bulanan sederhana, saya mengambil inisiatif berniaga dalam talian. Dua daripada kakak sudah berumah tangga dan mereka tiada punca pendapatan.

Abang masih belajar dan tidak mempunyai pendapatan, begitu juga ayah dan ibu sudah berusia maka saya mengambil tanggungjawab itu. Dalam usaha mencari pendapatan, saya tidak terkecuali menanggung masalah kewangan seperti sewa rumah, kereta dan kos sara diri.

Saya kini tertekan kerana banyak berhutang dan memandangkan perniagaan diceburi hanyalah kecil-kecilan, saya tidak boleh bergantung harap kepada pendapatan itu. Saya buntu dan tertekan apabila memikirkan masalah kewangan ini.

DIKELILINGI HUTANG
Melaka.